

MORGAN ap CARADOG ap IESTYN (bu farw c. 1208), arglwydd barwniaeth Gymreig Afan Wallia (neu Nedd-Afan) yn arglwyddiaeth ('honour') Morgannwg

Enw: Morgan ap Caradog ap Iestyn

Dyddiad marw: c. 1208

Priod: Gwerfil ferch Idnerth ap Cadwgan

Priod: Gwenllian ferch Ifor Bach

Plentyn: Sybil ferch Morgan ap Caradog ap Iestyn

Plentyn: Owain ab Morgan ap Caradog ap Iestyn

Plentyn: Lleision ab Morgan

Plentyn: Morgan Gam

Rhiant: Gwladus ferch Gruffydd

Rhiant: Caradog ab Iestyn

Rhyw: Gwryw

Galwedigaeth: arglwydd barwniaeth Gymreig Afan Wallia (neu Nedd-Afan) yn arglwyddiaeth ('honour') Morgannwg

Maes gweithgaredd: Perchnogaeth Tir; Teuluoedd Brenhinol a Bonheddig

Awduron: Thomas Jones Pierce, Robert Thomas Jenkins

mab [Caradog](#) a Gwladus, ferch [Gruffydd ap Rhys ap Tewdwr](#). Gwas anafodlon a fu ef erioed i arglwyddi Normanaidd Morgannwg ac yr oedd yn glos ei gyswllt â pholisi ei gefnder, yr [arglwydd Rhys](#); ef, y mae'n debygol, oedd arweinydd y gwrthryfel ym Morgannwg yn 1183 (?). Bu'n briod ddwywaith - (1), â Gwenllian, merch [Ifor Bach](#), a (2) â Gwerfil, ferch Idnerth ap Cadwgan. Bu iddo bedwar mab o leiaf; y trydydd mab, [Morgan Gam](#), a'i dilynodd. Ymddengys i ferch iddo, sef Sybil, briodi ag aelod o [deulu Turberville, Coety](#).

Edrydd [Gerallt Gymro](#) (Itin., i, cap. 8) mai Morgan ap Caradog a dywysodd yr archesgob Baldwin yn 1188 ar draws y sugndraethau rhwng aberoedd Afan a Tawe. O bedwar mab Morgan y gwyddom eu henwau, LLEISION oedd yr hynaf; yn y siartrau a roes Morgan i abaty Margam, enwir Lleision ac OWAIN droeon fel cydgyfranwyr â'u tad yn y rhodd. Gellid meddwl i Owain farw o flaen Lleision; nid yw'r dyddiadau'n sicr, gan fod llawer o'r siartrau'n ddiddyddiad neu wedi eu camddyddio.

Rhoddwyd arglwyddiaethau Cymreig (gwrogaethol i arglwyddi Normanaidd Morgannwg) i eraill o dylwyth [Iestyn ap Gwrgant](#). MAREDUDD fab Caradog ap Iestyn a gafodd arglwyddiaeth Meisgyn - cymerwyd hi oddi ar ei fab ef, HYWEL, gan y [Clariaid](#), tua 1245. CADWALLON fab Caradog a gafodd arglwyddiaeth Glynrhondda; a'i yr ef, OWAIN GRYCH (ap Morgan), oedd yr arglwydd Cymreig olaf yno, oblegid cyn 1295 yr oedd y [Clariaid](#) wedi ei diddymu hithau hefyd. Yn ôl [Gerallt Gymro](#) (Itin., i, cap. 7), lladdwyd Cadwallon gan ei frawd OWAIN, a fu yntau farw'n fuan wedyn.

Awduron

Yr Athro Thomas Jones Pierce, (1905 - 1964)

Yr Athro Emeritus Robert Thomas Jenkins, (1881 - 1969)

Ffynonellau

D. Rhys Phillips, *The History of the Vale of Neath* (Swansea 1925)

G. T. Clark, *Cartae et Alia Munimenta quae ad Dominium de Glamorgan pertinent* (1910)

W. de Gray Birch, *History of Margam Abbey* (1897), pen. 13 a 20

J. S. Corbett, *Glamorgan Papers and Notes on the Lordship and its members* (1925), 59-67

J. E. Lloyd, *A History of Wales from the Earliest Times to the Edwardian Conquest* (London 1911), Cyf. I

J. E. Lloyd, *A History of Wales from the Earliest Times to the Edwardian Conquest* (London 1911), Cyf. II (mynegai - taflen o'r tylwyth ar 771)

Dolenni Ychwanegol

Wikidata: [Q15835633](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

